

সারাদেশ

পাঁচ দিন পর বন্ধ করে দেওয়া হলো কাগুই বাঁধের ১৬ জলকপাট

প্রতিবেদক: প্রোব ডেস্ক

প্রকাশের তারিখ: বৃহস্পতিবার, ২৩ জুলাই ২০২৬, ০৪:৫০ PM



কাগুই হ্রদের পানির স্তর স্বাভাবিক হয়ে আসায় পাঁচ দিন পর বন্ধ করে দেওয়া হয়েছে রাঙামাটির কাগুই জলবিদ্যুৎ কেন্দ্রের কাগুই বাঁধের স্পিলওয়ের ১৬টি জলকপাট।

বুধবার (২২ জুলাই) রাত ১১টায় বাঁধের জলকপাটগুলো বন্ধ করে দেওয়া হয়। এর আগে কাগুই হ্রদের অতিরিক্ত পানির চাপ কমাতে ১৮ জুলাই বেলা ১১টা ২০ মিনিটে বাঁধের ১৬টি জলকপাট খুলে ভাটির কর্ণফুলী নদীতে পানি নিষ্কাশন করা হয়।

বিষয়টি নিশ্চিত করে কাগুই জলবিদ্যুৎ কেন্দ্রের ব্যবস্থাপক প্রকৌশলী মো. মাহমুদুল হাসান জানান, টানা পাঁচ দিন ধরে কাগুই জলবিদ্যুৎ কেন্দ্রের বাঁধের ১৬টি জলকপাট খুলে প্রতি সেকেন্ডে প্রায় ৯ হাজার কিউসেক পানি কর্ণফুলী নদীতে ছেড়ে দেওয়া হয়েছে। বর্তমানে কাগুই হ্রদে পানির স্তর ১০৩ দশমিক ৩১ ফুট এমএসএল (মিন সি লেভেল), যা জলবিদ্যুৎ কেন্দ্রের রুল কার্ভ অনুযায়ী স্বাভাবিক অবস্থায় রয়েছে। সম্প্রতি টানা ভারি বৃষ্টিতে উজানের পাহাড়ি ঢলে হ্রদের পানির স্তর বিপৎসীমার কাছাকাছি চলে যাওয়ায় অতিরিক্ত পানির চাপ কমাতে পানি নিষ্কাশন করতে হয়েছে।

তিনি আরও জানান, কাণ্ডাই হ্রদের সর্বোচ্চ পানিধারণক্ষমতা ১০৯ ফুট। তবে পানির স্তর ১০৭ ফুটে পৌঁছালে তা বিপৎসীমা হিসেবে বিবেচিত হয়। তাই হ্রদে পানি ও বাঁধের ভারসাম্য রক্ষায় পানির উচ্চতা বিপৎসীমার কাছাকাছি চলে গেলে ১৬টি জলকপাট খুলে অতিরিক্ত পানি কর্ণফুলী নদীতে ছেড়ে দেওয়া হয়। বর্তমানে কাণ্ডাই জলবিদ্যুৎ কেন্দ্রের পাঁচটি ইউনিট সচল রয়েছে এবং বিদ্যুৎ উৎপাদন স্বাভাবিক পর্যায়ে রয়েছে বলে জানান তিনি।

এ বিভাগের আরও খবর



চাঁদার ৫০ হাজার টাকা না দেওয়ায় ব্যবসায়ীকে হাতুড়িপেটার অভিযোগ
নওগাঁর মান্দার ৫০ হাজার টাকা চাঁদা না দেওয়ায় এক ব্যবসায়ীকে হাতুড়ি ও লোহার রড দিয়ে মারধরের অভিযোগ উঠেছে।
বৃহস্পতিবার (১৩ আগস্ট) বেলা ১১টার দি...



মসজিদের ভেতরে মুসল্লিকে হাঁসুয়া দিয়ে কুপিয়ে জখম
নওগাঁর মান্দার মসজিদের ভেতরে ঢুকে মামুনের রশিদ মামুন (৩৮) নামের এক মুসল্লিকে হাঁসুয়া দিয়ে কুপিয়ে জখম করার অভিযোগ উঠেছে। শনিবার (১৫ আগস্ট) জো...



শোক দিবসে খিচুড়ি রান্নার সময় ইউপি চেয়ারম্যানসহ ২ জন গ্রেপ্তার
কুষ্টিয়ার ভেড়ামারায় শোক দিবস উপলক্ষে খিচুড়ি রান্নার সময় ইউনিয়ন পরিষদের (ইউপি) চেয়ারম্যানসহ দুই ভাইকে গ্রেপ্তার করেছেন পুলিশ।
শনিবার (১৫...



ক্যাশলেস সোসাইটি বিনির্মাণে ব্রাহ্মণবাড়িয়ায় রূপালী ব্যাংকের রোড শো
ক্যাশলেস সোসাইটি বিনির্মাণে জনসচেতনতা তৈরির লক্ষ্যে ব্রাহ্মণবাড়িয়ায় রূপালী ব্যাংকের উদ্যোগে সচেতনতামূলক রোড শো
অনুষ্ঠিত হয়েছে। শনিবার (১৫ আগস্ট)....

Copyright Dhaka Probe

অনলাইন সংস্করণ পাড়তে ভিজিট করুন: <https://dhakaprobe.com/saradesh/panch-din-pr-bndh-kre-deoya-hlo-kaptai-bandher-16-jlkpat>